



## Akademija Qur'ana za sestre



- Edeb studentice znanja
- Nuranija
- Tedžvid (qira'eti/rivajeti)
- Tilavet
- Hifz
- Nauka o qira'etima
- Qur'anske nauke
- Historija tedžvida
- O pisanju Qur'ana

# PRAVILNIK ZA STUDENTICE



## Sadržaj

بِسْمِ اللّٰهِ الرَّحْمٰنِ الرَّحِیْمِ .....	3
Prisustvo i izostanci .....	4
Uopšteno .....	5



# بِسْمِ اللَّهِ الرَّحْمَنِ الرَّحِيمِ

## Uvod

- Ovaj **Pravilnik** stupa na snagu 1. jula 2024. Dotad vrijedi prethodni Pravilnik,
- Studentice su se obavezne upoznati prije početka studija sa **Pravilnikom za studentice** i slijediti ga,
- Studentice su obavezne slijediti edeb koji dolikuje studentici Qur'āna, prema onome što su naučile nakursu *Edeb studentice Qur'āna*,
- Nastava svih predmeta, osim tedžwīda, se odvija u Voice Chatu. Nastava tedžwīda se odvija u zoomu.
- Studentice su obavezne na časove:
  - dolaziti spremne, redovno i na vrijeme,
  - ostajati do kraja časa,
  - pažljivo pratiti nastavu tokom cijelog časa / do kraja časa.



## Prisustvo i izostanci

- Na časovima *tedžwīda*, prisustvo se automatski uzima putem zooma. Prisustvo se bilježi studenticama koje uđu u zoom na vrijeme, prije početka časa, pod vlastitim imenom i prezimenom, te ostanu do kraja časa. Naknadno mijenjanje imena u zoomu sistem ne bilježi. Na studentici je da se na vrijeme pobrine da joj je ime na zoomu **'Ime Prezime'** (tim redom). Ne prihvata se 'Prezime Ime' ili bilo šta drugo,
- Na časovima *tedžwīda* nije dozvoljeno pisati u zoom chat,
- Na ostalim predmetima, prisustvo se uzima *screen shotom* tačno u vrijeme početka časa,
- Studentica je dužna prije početka časa najaviti izostanak sa svih časova koji se odvijaju u Telegram grupi. Izostanak prijavljuje u Telegram grupu predmeta sa kojeg izostaje, sljedećom porukom:  
**'Izostajem sa časa (predmet), (datum), (ime i prezime)',**
- Nema Opravdanih i Neopravdanih izostanaka. Postoji samo Prisustvo ili Odsustvo na časovima, bez obzira na razlog izostanka,
- Studentice predmeta koji idu 2 (dva) puta sedmično, prelaze automatski u **slušateljke\*** na Akademiji sa **7. (sedmim) izostankom** u jednom semestru,
- Studentice predmeta koji idu 1 put (jednom) sedmično, prelaze automatski u **slušateljke\*** na Akademiji sa **4. (četvrtim) izostankom** u jednom semestru,
- “Neiskorišteni” izostanci iz prvog semestra se ne prenose u drugi semestar,
- Izostanci sa *ekstra* časova / časova nadoknade za koje mu3allimah sama odredi termin, *bez prethodnog dogovora sa studenticama*, neulaze u kvotu izostanaka,
- Izostanci sa *ekstra* časova / časova nadoknade za koje mu3allimah odredi termin *u prethodnom dogovoru sa studenticama*, ulaze u kvotu izostanaka *samo* za studentice koje unaprijed prihvate termin ekstra časa,
- Zabranjeno je kontaktirati mu3allimu privatnim porukama, osim ako su sestre od ranije u kontaktu,
- Studentica koja na času bude prozvana i ne javi se, a u zoomu ili Voice Chatu izgleda kao da je prisutna:
  - a) dobiva jedan minus iz vladanja i
  - b) upisuje joj se izostanak.



## Uopšteno

- Putnice sa Qur'anom je *onlajn* Akademija Qur'āna i qur'ānskih nauka. Jedan od *uslova* za studij je stabilna konekcija,
- Redovna studentica je dužna poštovati nastavu:
  - doći na vrijeme, nekoliko minutu prije početka časa, da bi na čas ušla prije početka časa, osim u *izuzetnom* slučaju kad dobije izun od mu3allime da sljedeći čas zakasni,
  - ostati do kraja časa osim u *izuzetnom* slučaju kad dobije izun od mu3allime da ranije napusti čas,
  - za kašnjenja ili ranija napuštanja časa koja će se dešavati *tokom cijele ili u većem dijelu godine*, studentica prije početka školske godine kontaktira Prodekana za studentska pitanja, koja joj može (zavisno od razloga) odobriti kratka kašnjenja tokom cijele godine,
  - na časove nije dozvoljeno samo ući na čas i bez objašnjenja napisati "Slušam", ili kad studentica bude prozvana da uči, da kaže da taj dan samo sluša. Takvo 'prisustvo' se vodi kao izostanak i Mu3allimah može odstraniti takvu studenticu sa časa,
  - paziti da joj mikrofoni i kamera budu ugašeni tokom cijelog časa, dok je mu3allimah ne prozove,
  - imati slušalice za vrijeme časa, čuvajući emanet da niko osim nje ne čuje mu3allimu ili studentice,
  - biti obzirna sa mu3allimama, ensarijkama i studenticama u toku časa i mimo toga,
  - paziti da ne piše ništa u zoom chat osim ako je mu3allimah zamoli,
  - paziti da ne prekida mu3allimu pitanjima u toku nastave (mu3allimah otvara mogućnost za pitanja),
  - odazvati se (javiti se uključivši mikrofoni) ako je mu3allimah prozove,
  - ako ide na namaz u toku časa tedžwīda, uz ime na zoomu napisati (NAMAZ). Ako ide na namaz u toku ostalih predmeta, javiti se porukom NAMAZ u Telegram grupu tog predmeta,
  - ako ima *hitnu* potrebu kojoj se mora odazvati u toku časa, uz ime na zoomu, odnosno u Telegram grupu tog predmeta napisati (HITNO). Hitna potreba je ona, ako bi je studentica odložila za nakon časa, trpila bi stvarnu akhīretsku ili dunjālučku štetu, a Allāh je Najbolji Svjedok,



- paziti da ne uznemirava administratorice suvišnim porukama: prvo treba potražiti informacije na web strani ili u Telegram grupama Akademije prije nego što pošalje pitanje Administraciji. Ako odgovor na svoje pitanje ne može naći na web strani ili u Telegram grupama Akademije, treba se odmah obratiti Administraciji, odnosno Prodekanu za studentska pitanja (da ne bi ostala bez odgovora),
- ako je potrebno, studentica će zamoliti mu3allimu da ostane nakon časa da joj iznese pitanje kojejoj je neugodno iznijeti pred drugim studenticama, a koje nije pitanje za Administraciju. Ovakve situacije su *izuzetno rijetke*, jer studentice za sva pitanja i probleme trebaju kontaktirati Administraciju: ako je potrebno, Administracija će kontaktirati mu3allimu,
- studij na Akademiji je besplatan, ali se od 5. generacije (G5) testira uvođenje **jednokratne takse** za studentice koje *bez ozbiljnog razloga* pređu u slušateljke. Za sestre koje žive na Balkanu, taksa je 20€, a za sestre koje žive u dijaspori, taksa je 50€ i uplaćuje se u Fond Akademije.

\* **Pravilnik za slušateljke** je poseban dokument, dostupan na Telegramu i na web stranici Akademije.

\* Osnovna razlika između redovnih studentica (R) i slušateljki (S) je da redovne studentice imaju pravo polaganja ispita, nastavka studija i eventualnog upisa na Napredni blok, a slušateljke nemaju. Redovne studentice imaju obavezu dolaziti redovno na časove koji se održavaju u Telegram grupama predmeta koji redovno studiraju ili na zoomu (tedžwīd). Na Glavnom Telegram kanalu Akademije, slušateljke imaju mogućnost učenja khatme, slušanja tedžwīdskih predavanja i prijavljivanja na Otvorene kurseve i Otvorena predavanja Akademije. Na časove na koje dolaze, slušateljke imaju obavezu doći prije početka časa. Drop-in nije dozvoljen. Slušateljke koje su te godine upisale tedžwīd i zatim prešle u slušateljke, mogu nastaviti dolaziti na redovne časove tedžwīda. Nije dozvoljeno pisati u zoom chat.